

Rujukan Kami : (11) dlm.AUDIT/IP/BPSM/147/649/2 Jld.2

Tarikh : 13 Februari 2024

SENARAI EDARAN SEPERTI DI LAMPIRAN:

YBhg. Datuk/Dato'/Datin/Tuan/Puan,

URUSAN PEMANGKUAN JAWATAN PENOLONG JURUAUDIT GRED W32 KE GRED W36 DI JABATAN AUDIT NEGARA BAGI ZON TIMUR, ZON TENGAH, ZON SELATAN DAN ZON SARAWAK

Dengan hormatnya perkara di atas adalah dirujuk.

2. Dimaklumkan bahawa Jabatan ini akan mengadakan urusan pemangkuan bagi jawatan Penolong Juruaudit Gred W32 ke Gred W36 bagi mengisi kekosongan di Zon Timur, Zon Tengah, Zon Selatan dan Zon Sarawak. Pertimbangan bagi urusan pemangkuan jawatan tersebut perlu memenuhi kesemua syarat-syarat yang ditetapkan seperti berikut:

- 2.1 Telah dinaikkan pangkat sebagai Penolong Juruaudit Gred W32 **pada 01.01.2012 hingga 01.07.2013;**
- 2.2 Markah wajaran LNPT bagi 3 tahun terkini (2021, 2022 dan 2023) **tidak kurang 80%;**
- 2.3 Bebas daripada tindakan atau hukuman tatatertib;
- 2.4 Lulus Tapisan Keutuhan Suruhanjaya Pencegah Rasuah Malaysia (SPRM);
- 2.5 Telah mengisytiharkan harta berdasarkan peraturan yang sedang berkuat kuasa iaitu sekurang-kurangnya dalam tempoh lima (5) tahun sehingga tarikh tutup iklan ini (masih mempunyai tempoh sah laku sekurang-kurangnya 6 bulan);
- 2.6 Bebas dari senarai peminjaman pendidikan tegar dengan menandatangani Surat Akuan Pinjaman Pendidikan/ Tabung Pendidikan. Mesyuarat Lembaga Kenaikan Pangkat JAN Bil. 1/2020 pada 6 Januari 2020 telah

memutuskan supaya **pegawai yang masih mempunyai pinjaman pendidikan dan membayar secara tunai diwajibkan membuat bayaran secara potongan gaji**. Pegawai hendaklah mengemukakan bukti bahawa tindakan awal untuk potongan gaji telah diambil dan turut mengemukakan bukti bagi bayaran tunai yang telah dilakukan secara **konsisten** dalam bentuk surat dari agensi pinjaman pendidikan/ slip gaji dan penyata bank;

2.7 Manakala pegawai yang telah menyelesaikan pinjaman pendidikan, pegawai hendaklah mengemukakan bukti selesai pinjaman pendidikan; dan

2.8 **Diperakukan oleh Ketua Jabatan.**

3. Semua permohonan hendaklah dikemukakan **melalui Ketua Jabatan** dengan menggunakan borang-borang di **Lampiran A, B, C dan D** berserta **Salinan Kenyataan Perkhidmatan yang dikemas kini** (bagi pegawai yang bertugas di Jabatan Audit Negara Negeri/Unit/Bahagian Audit Dalam di Kementerian/ Jabatan/ Audit Sekolah).

4. Memandangkan urusan pemangkuan ini adalah bagi mengisi kekosongan sedia ada di **Zon Timur, Zon Tengah, Zon Selatan dan Zon Sarawak**, maka **pemohon yang bersedia untuk ditukarkan ke zon yang dinyatakan di atas sahaja digalakkan untuk memohon bagi urusan pemangkuan ini**. Permohonan hendaklah dikemukakan kepada Jabatan ini **selewat-lewatnya pada 21 Februari 2024 (Rabu)** ke alamat:

Timbalan Pengarah
Bahagian Pengurusan Sumber Manusia
Jabatan Audit Negara
Aras 4, Blok F3, Kompleks F
Lebuhraya Perdana Timur, Presint 1
Pusat Pentadbiran Kerajaan Persekutuan
62000 PUTRAJAYA
(u.p : Puan Aznida binti Abd. Raghni)

5. Sekiranya pegawai telah mencapai **tempoh perkhidmatan genap 13 tahun di gred semasa sebelum tarikh tawaran pemangkuan ke gred W36, pegawai layak untuk dipertimbangkan kenaikan pangkat secara *Time-Based* Berasaskan Kecemerlangan Kali Kedua (TBK2)** berdasarkan syarat-syarat yang dinyatakan dalam Pekeliling Perkhidmatan Sumber Manusia (MyPPSM) Ceraian UP.3.1.7. – Kenaikan Pangkat Secara *Time-Based* Berasaskan Kecemerlangan bagi Pegawai Kumpulan Pelaksana. Pegawai yang terlibat **tidak akan ditawarkan pemangkuan ke gred W36** dan dikehendaki mengisi borang kenaikan pangkat secara TBK2 ke Gred W36.

5. Sebarang pertanyaan berhubung urusan pemangkuan ini bolehlah diajukan kepada pegawai-pegawai berikut:

- | | | | |
|-------|-------------------------------|---|--------------|
| (i) | Puan Shaezliana binti Shaein | - | 03-8091 1821 |
| (ii) | Puan Norafiza binti Abu Bakar | - | 03-8091 1823 |
| (iii) | Puan Afizah binti Aziz | - | 03-8091 1825 |

Sekian, terima kasih.

“MALAYSIA MADANI”

“BERKHIDMAT UNTUK NEGARA”

“*Audit Berkualiti Meningkatkan Akauntabiliti*”

Saya yang menjalankan amanah,



(SYAKURAH BINTI ABDULLAH)

Bahagian Pengurusan Sumber Manusia

b.p. Ketua Audit Negara

No. Tel: 03-8091 1522

E-mel: syakurah@audit.gov.my

s.k:

- (i) KAN
- (ii) TKAN (P)
- (iii) TKAN (K)
- (iv) TKAN (S)

EDARAN KEPADA:

1. Ketua Setiausaha Kementerian
2. Pengarah-Pengarah Audit, Sektor Audit Prestasi
3. Pengarah-Pengarah Audit Sektor Audit Kewangan
4. Pengarah-Pengarah Audit, Sektor Audit Pengurusan Syarikat Kerajaan
5. Pengarah-Pengarah di bawah Pejabat Ketua Audit Negara
6. Pengarah Sektor Pengurusan
7. Pengarah Akademi Audit Negara
8. Pengarah- Pengarah Audit Negeri
9. Setiausaha Bahagian/ Ketua Unit Audit Dalam Kementerian/Jabatan
10. Setiausaha Bahagian Audit Sekolah